



Президент жаңа Қазақстанның мақсаты туралы айтты

Барлық күш-жігеріміз миллиондаған қазақстандықтың қауіпсіздігі мен тұрмыс жағдайының сапасын жақсартуды қамтамасыз етуге бағытталған. Бұл туралы ҚР Президенті Қасым-Жомарт Тоқаев Twitter-де жазды, деп хабарлайды Egemen.kz.

«Біз ұлттық экономиканың ашықтығына, келісім-шарттарға қол сұғылмайтынына, зияткерлік меншік құқығы сақталатынына және жемқорлықпен аяусыз күрес жалғаса беретініне кепілдік береміз», деп жазды Мемлекет басшысы.

Сондай-ақ Президент жаңа Қазақстан құрудың мақсатын айтты.

«Жаңа Қазақстанның мақсаты – азаматтардың әл-ауқатын арттыру, табыс алшақтығын жою, жұмыс орындарын ашу және инфляцияны тежеу. Біздің барлық күш-жігеріміз миллиондаған қазақстандықтың қауіпсіздігі мен тұрмыс жағдайының сапасын жақсартуды қамтамасыз етуге бағытталған. Қазақстан экономикасы орнықтылығын көрсетті. Үкімет отандық, шетелдік инвесторлар мен сауда жөніндегі серіктестеріміздің сенімін арттыру үшін барлық қажетті шараны қабылдайды», деді Қ.Тоқаев.

«Егемен Қазақстан» газетінен.

Аудан тұрғындарының назарына!

Аудан әкімі есеп беру кездесулері басталғанға дейін азаматтарды жеке қабылдау күндерін 2022 жылдың 15 және 28 ақпан күндері сағат 10.00-13.00 аралығында азаматтарды өтініштері бойынша жеке қабылдау өткізеді.

Осыған орай, 8 (72546) 46-21 телефонына сенбі, жексенбі күндерді қоспағанда күнделікті сағат 9.00-13.00, 15.00-19.00, 8 7029132077 WhatsApp нөміріне хабарласуға болады.

Өтетін орны: аудан әкімдігінің кіші мәжіліс залы.

Президент жаңадан тағайындалған Қорғаныс министрін таныстырды

Қазақстан Республикасының Президенті – Қарулы Күштердің Жоғарғы Бас қолбасшысы Қасым-Жомарт Тоқаев Қорғаныс министрінің басшылық құрамымен кеңес өткізді, деп хабарлайды Egemen.kz Ақордаға сілтеме жасап.

Мемлекет басшысы Қасым-Жомарт Тоқаев Мұрат Бектановты Қорғаныс министрі лауазымынан босатып, бұл қызметке Руслан Жақсылықовты тағайындау туралы Жарлықтарға қол қойғанын хабарлады.

Қасым-Жомарт Тоқаев жаңа министрдің кадрлық әскери қызметкер екенін, арнайы білімді Алматы Жоғары жалпыәскери командалық училищесінде оқығанын, кейін М.В.Фрунзе атындағы академияда және Ресей Федерациясы Қарулы Күштері Бас штабының Әскери академиясында білімін жалғастырғанын атап өтті.

–Оның тәжірибесі мол. Ішкі әскерде 30 жылдан астам қызмет етті. Ол қатардағы жауынгерден бастап, әртүрлі басшылық қызметтерді атқарды. Ішкі істер министрінің орынбасары – Ұлттық ұланның Бас қолбасшысына дейінгі әскери жолдан өтті, – деді Президент.

Қасым-Жомарт Тоқаев Қарулы Күштерге деген талаптың күшейе түскеніне тоқталды.

– Армия Тәуелсіздігіміздің тірегі болып, мемлекет мүдделерін қорғауы тиіс. Қаңтар оқиғасы кезінде Қарулы Күштер өзіне сенімсіз әрі қабілетсіз басшылығының кесірінен жүктелген міндеттерді тиісті деңгейде атқара алмады. Министр Бектанов командалық қабілетін көрсете алмады. Командалық-штабтық және әскери жаттығулар кезінде оң нәтиже көрсеткен армиямыз бола тұра, сын сағатта оның әлеуетін пайдалана алмадық. Сырттан көмек шақыруға мәжбүр болдық, деді Жоғарғы Бас қолбасшы.

Сонымен қатар Президент Қазақстандағы бітімгерлік миссиясын аяқтаған ҰҚШҰ контингентінің жұмысына оң баға берді.



–ҰҚШҰ-ның бітімгерлік күштері Қазақстанға қысқа мерзімге ғана келіп, қорғау қызметін атқарды. Ұжымдық контингент өздерінің тиімділігін және әлеуетін көрсетті, – деді Мемлекет басшысы.

Президент геосаяси жағдайды және аймақтық деңгейдегі өзекті сын-қатерлерді ескере отырып, Қазақстан Қарулы Күштерінің әскери дайындығын түбегейлі арттыруды талап етті. Ол үшін бірқатар міндетті орындау қажет.

Жоғарғы Бас қолбасшының пікірінше, ең алдымен, ел басшылығын сыртқы және ішкі қауіп-қатерлер туралы уақтылы әрі нақты ақпараттармен қамтамасыз етуге тиісті әскери барлау қызметін күшейту керек.

Мемлекет басшысының Жарлығына сәйкес құрылатын Арнаулы операциялар жөніндегі күштердің Басшылығына маңызды миссия жүктеледі. Сондай-ақ оларға қысқа мерзім ішінде басқа күштік құрылымдармен бірлесіп, барлық ұйымдастыру шараларын қабылдап, арнаулы операцияларды орындауға дайындалу міндеті жүктеледі.

Қасым-Жомарт Тоқаев қару-жарақ сақтайтын нысандарда төтенше жағдайларды қайталануына жол бермеу қажеттігін еске салды. Осыған байланысты Президент қару-жарақтардың сақталу қауіпсіздігін қамтамасыз ету, пайдалануға жарамсыз және әрі қарай сақтауға қауіпті қару-жарақтарды жою шараларын жүзеге асыруды жалғастыру керек екенін айтты.

Сонымен қатар Мемлекет басшысы Қазақстан армиясының техникалық және

жауынгерлік жабдықтарын жаңарту міндетін жүктеді.

–Әскердегі қару-жарақтың дені – 30-50 жыл болған кеңес дәуіріндегі техника. Ескірген техникалардың мерзімінің өткеніне байланысты қару-жарақ паркін жаңарту үшін шұғыл шаралар қабылдау қажет. Қарулы Күштер заманауи әрі жоғары технологиялық қару-жарақпен, әскери техникамен жабдықталуы тиіс. Қабылданатын шаралар жүйелі болуы керек. Қару-жарақ пен әскери техниканы жөндейтін, оларға қызмет көрсететін отандық өндірісті дамыту қажет, – деді Жоғарғы Бас қолбасшы.

Мемлекет басшысы әскердің шұғыл әрекет ету қабілетін артырып, әскери-транспорттық авиацияның әлеуетін күшейту қажет екеніне тоқталды. Оның айтуынша, әскери борышты өтеу міндетінің беделін көтеріп, абыройын арттыру қажет.

Сонымен қатар Қасым-Жомарт Тоқаев қаңтар оқиғасының сабақтарын ескере отырып, Қару-жарақ және әскери техника сатып алу жөніндегі 2022 жылға арналған жоспарды қайта қарауды және Қарулы Күштердегі кадрлық әлеуетті арттыру шараларын қабылдауды тапсырды.

Бұдан кейін Руслан Жақсылықов Қазақстан Республикасының Қорғаныс министрі ретінде ант қабылдады.


Жиын соңында Президент жаңа министр және Қорғаныс министрінің жұмысына сәттілік тіледі.

«Егемен Қазақстан» газетінен.

**«Орталық атқарушы органдар басшыларының, әкімдердің, ұлттық жоғары оқу орындары ректорларының халыққа есеп беру кездесулерін өткізу туралы»
Қазақстан Республикасы Президентінің 2016 жылғы 5 ақпандағы №190 Жарлығына сәйкес Созақ ауданы әкімі және ауылдық округтері мен кенттері әкімдерінің
халыққа есеп беру кездесулерінің КЕСТЕСІ
(15-25.02.2022 жыл)**

Қ/с	Аудан, ауылдық округтер атауы	Елді мекен атауы	Есеп беретін әкімнің аты-жөні	Күні, уақыты	Әлеуметтік желідегі сілтемесі	Кездесудің өтетін орны	Сұрақтар беруге арналған телефон, электронды пошта, жәшік орналасқан мекен жайы
1	Шу	Шу	Аудан әкімі Ауылдық округ әкімі	16.02.2022ж Сағат 10.00	https://www.facebook.com/shu.akimat	Ж.Қаламбаев атындағы ЖОМ мәжіліс залы	8/72546/47-01 da.dosymbekov@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
2	Тасты	Қылти	Ауылдық округ әкімі	15.02.2022ж Сағат 11.00	https://www.facebook.com/tastyakim	Абай атындағы ЖОМ мәжіліс залы	8/72546/47-38 m.tleulinov@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Тасты	Аудан әкімі Ауылдық округ әкімі	16.02.2022ж Сағат 12.00		Абай атындағы ЖОМ мәжіліс залы	
3	Жуантөбе	Жуантөбе Қоңыратарық	Аудан әкімі Ауылдық округ әкімі	16.02.2022ж Сағат 15.00	https://www.facebook.com/profile.php?id=100025585327589	С.Сейфуллин атындағы ЖОМ мәжіліс залы	8/72546/47-36 d.abraev@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
4	Қыземшек	Тайқоңыр	кент әкімі	15.02.2022ж Сағат 11.00	https://www.facebook.com/profile.php?id=100011408784734	Т.Момбеков атындағы ЖОМ мәжіліс залы	8/72546/47-06 e.zhumbaev@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Қыземшек	Аудан әкімі кент әкімі	16.02.2022ж Сағат 17.00		Мәдениет спорт кешені	
5	Сызған	Қайнар	Ауылдық округ әкімі	15.02.2022ж Сағат 11.00	https://www.facebook.com/profile.php?id=100012866865283	С.Макаренко атындағы ЖОМ мәжіліс залы	8/72546/47-21 s.mamanov@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Сызған	Ауылдық округ әкімі	15.02.2022ж Сағат 15.00		Қ.Рүстемов атындағы ЖОМ мәжіліс залы	
		Қозмолдақ Басбұлақ	Аудан әкімі Ауылдық округ әкімі	17.02.2022ж Сағат 10.00		Ф.Мұратбаев атындағы ЖОМ мәжіліс залы	
6	Созақ	Ыбырай Қақпансор	Ауылдық округ әкімі	15.02.2022ж Сағат 11.00	https://www.facebook.com/profile.php?id=100034484327267	Құрманғазы атындағы ЖОМ мәжіліс залы	8/72546/47-07 b.ayapov@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Көктөбе	Ауылдық округ әкімі	15.02.2022ж Сағат 15.00		Суындық ЖОМ мәжіліс залы	
		Созақ Шақырық	Аудан әкімі Аудан әкімі	17.02.2022ж Сағат 12.00		Ауылдық мәдениет үйі	
7	Қарағұр	Раң	Ауылдық округ әкімі	15.02.2022ж Сағат 11.00	https://www.facebook.com/profile.php?id=100013720096283	Б.Батырбекова атындағы ЖОМ мәжіліс залы	8/72546/47-31 o.zhamiev@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Шаға	Ауылдық округ әкімі	15.02.2022ж Сағат 15.00		С.Бақбергенов атындағы ЖОМ мәжіліс залы	
		Қарағұр	Аудан әкімі Ауылдық округ әкімі	17.02.2022ж Сағат 15.00		Қарағұр ЖОМ мәжіліс залы	
8	Қаратау	Ақсүмбе	Ауылдық округ әкімі	15.02.2022ж Сағат 10.00	https://www.facebook.com/profile.php?id=100015001120703	С.Қожанов атындағы ЖОМ мәжіліс залы	8/72546/47-29 o.ermakhan@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Сарыжаз	Ауылдық округ әкімі	15.02.2022ж Сағат 12.00		Сарыжаз негізгі орта мектебінің мәжіліс залы	
		Қаратау	Аудан әкімі Ауылдық округ әкімі	17.02.2022ж Сағат 17.00		Панфилов атындағы ЖОМ мәжіліс залы	
9	Жартытөбе	Аққолтық	Ауылдық округ әкімі	15.02.2022ж Сағат 10.00	https://www.facebook.com/profile.php?id=100012829812180	Ш.Уалиханов атындағы ЖОМ мәжіліс залы	8/72546/47-03 b.esenkabyl@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Бабата	Ауылдық округ әкімі	15.02.2022ж Сағат 12.00		М.Мәметова атындағы ЖОМ мәжіліс залы	
		Жартытөбе	Аудан әкімі Ауылдық округ әкімі	18.02.2022ж Сағат 10.00		Ауылдық клуб	
10	Құмкент	Қызылкөл	Ауылдық округ әкімі	15.02.2022ж Сағат 10.00	https://www.facebook.com/profile.php?id=100012905161071	Ауылдық клуб	8/72546/47-25 g.pardebekuly@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Құмкент Қызылқанат	Аудан әкімі Ауылдық округ әкімі	18.02.2022ж Сағат 12.00		Ауылдық мәдениет үйі	
11	Таукент	Таукент	Аудан әкімі кент әкімі	18.02.2022ж Сағат 16.00	https://www.facebook.com/profile.php?id=1000	І.Кеңесбаев атындағы ЖОМ мәжіліс залы	8/72546/47-17 m.ospanov@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
12	Шолаққорған	Абай	Ауылдық округ әкімі	15.02.2022ж Сағат 10.00	https://www.facebook.com/profile.php?id=100016017283010	Иманов атындағы ЖОМ мәжіліс залы	8/72546/47-13 a.elibaev@ontustik.gov.kz Жәшік ауылдық округі әкімі ғимаратында орналасқан. 8 7029132077 WhatsApp
		Балдысу Қарабұлақ	Ауылдық округ әкімі	15.02.2022ж Сағат 12.00		Жамбыл атындағы ЖОМ мәжіліс залы	
		Шолаққорған Теріскей Жеткеншек	Ауылдық округ әкімі	15.02.2022ж Сағат 16.00	https://www.facebook.com/profile.php?id=100016017283010	Ауыл әкімі ғимаратының мәжіліс залы	
		Шолаққорған	Аудан әкімі (аудан әкімінің қорытынды есебі)	25.02.2022ж Сағат 11.00	https://www.facebook.com/profile.php?id=100012839862726	Аудан әкімдігінің мәжіліс залы	8/72546/46-21 a.akimat@ontustik.gov.kz Жәшік аудан әкімі аппаратының ғимаратында орналасқан. 8 7029132077 WhatsApp

ҮЙДЕГІ НАРЫҚТЫ БАЗАРДАҒЫ БАҒА БҰЗАДЫ



Немесе азық-түлік бағасы қайтсе тұрақтанады?

Қазақстан Республикасының Президенті Қасым-Жомарт Тоқаевтың Парламент Мәжлісінің отырысында сөйлеген сөзінде елдегі жағдайларды бағамдай келе «Қаржы жүйесі мен көлік саласының, азық-түлік жеткізу ісінің еш кедергісіз жұмыс істеуін қамтамасыз ету қажет. Тауарлар мен көрсетілген қызметтердің тапшылығын, бағаның негізсіз көтерілуін болдырмау маңызды» екенін айта келіп Үкіметтік комиссияға тапсырмалар берген еді. Сондай-ақ Президент «Адал бәсекелестік біздің экономика үшін басты талапқа айналуы тиіс екенін», алайда «бағаны ымыраласа отырып белгілеу қалыпты жағдайға айналып отырғанын» сынға алған болатын. Қазақтың біртуар перзенті Майлы Бейімбеттің «Даудың басы-Дайрабайдың көк сиыры» атты шығармасына көз жүгіртіп өтіңізші. Онда:

«Дайрабай: -Уа, алыс жерден келген кісі екенсің, мүмкін болса айтамын арызым бар.

-Дайрабайдың айтқалы тұрғаны жарыс сөз. Жарыс сөзді қоя тұрып, алдымен сұрау болса екен?-деді Күсебай.

-Қақпайлама, жолдас, неге қақпайлайсың? Мен айтсам -мұңымды айтам. Мұңымды айтуға еріктімін!.. Мына кәзет не деп отыр. Оқышы!

Айт, айт айтуға келдік қой! –деп құлып толы жұрт шулап жатыр.

-Уа, жолдас, «Көк сиырдың дауы» деп жұрт күлер. Жұртқа күлкі болғанмен маған күлкі емес, мен жолсыз істі айтпай тұра алмаймын. Жүздерін жырты-жырты айтамын!-деді ашынған Дайрабай» деген жолдар бар. Сол сияқты баға деген жарықтық елді арагідік улыған-шулыған етіп тұрмаса көңілі көншімейді-ау.

«Астанада өткен Үкімет отырысында ҚР Ауыл шаруашылығы министрі азық-түлік бағаларын тұрақтандыру мақсатында қолға алған бірқатар іс-шараларын атап өтті»-деген жылы хабары құлаққа жылы тиді. Олай дейтініміз Президент «ауыл шаруашылығына ерекше назар аудару керектігін, Соңғы жылы елдегі қуаңшылыққа байланысты астық көлемінің аз екенін» тілге тиек еткен еді.

Министрдің айтуы бойынша «Мемлекет басшысының тапсырмасымен әлеуметтік маңызы бар азық-түлік тауарларының бағасын тұрақтандыру мақсатында Агроөнеркәсіптік кешенді дамытудың 2025 жылға дейінгі ұлттық жобасы аясында импортты алмастыру жөніндегі іс-шаралар кешені көзделді. Министрлік бірқатар жедел шаралар қабылдады: 2022 жылғы 1 шілдеге дейінгі мерзімге 125 мың тонна күнбағыс тұқымдары мен 110 мың тонна күнбағыс майы экспортына сандық шектеулер енгізу; картоп пен сәбізді экспорттауға 3 ай мерзімге тыйым

салу; ірі қара мал мен ұсақ малды экспорттауға 6 ай мерзімге тыйым салды. Сондай-ақ, министр ол нан бағасын тұрақтандыру мақсатында қаңтардан бастап азық-түлік келісім-шарт корпорациясы әлеуметтік нан өндіру үшін өңірлерге өткізетін астық құны субсидияланатындығын айтты. «Бұл тетік Азық-түлік келісім-шарт корпорациясының ішкі нарыққа астықты нарықтағыдан төмен бағамен өткізу шығыстарын өтеуді көздейді», - деді Ербол Қарашөкеев.

Өзге де өңірлер сияқты Шымкентте азық-түлік бағасына бақылау күшейтіліпті. Шымкент қаласында әлеуметтік маңызы бар азық-түлік қоры мен қалыпты бөлше нан бағасы тұрақты және тапшылық

диірмендерде екі айға жететін шикізат бар. Қаланың жағдайы осындай екен. Ал ауылдағы баға тұрақтылығы қандай? Негізінде ұн бағасының көтерілуі нан бағасының өсуіне әсер ететіні анық. Сондықтан да бағаны тұрақты ұстап тұру үшін шетелге экспортталатын ұн көлемін азайта тұрған абзал. Мысалы қазіргі таңда қалада қалыпты бөлше нан бағасын тұрақтандыру мақсатында, наубайханаларға тұрақтандыру қорынан әлеуметтік бағада ұн үлестірілуде. Сондай-ақ, макарон өнімдері әлеуметтік маңызы бар азық-түлік тауарларының тізбесіне енуіне байланысты, тұрақтандыру қорының айналым қаражаты есебінен аталған өнімнің бағасын

біздің тұтынатын азық-түлік тауарларымыз тікелей қаладан әкелінеді. Осы игі бастаманы қолға ала отырып, ауданда әлеуметтік маңызы бар тауарларды тұрақтандыру мақсатында азық-түлік сататын сауда желілерімен келіссөз жүргізілуі керек сияқты. Әлгіндей әкімдіктің тікелей телефон желісі болса? Нәтижесінде әлеуметтік маңызы бар азық-түлік бағасын көтермеу бойынша келісім жасалады. Және қашан бір жүйеге түскенінше күн сайын мониторинг жүргізіліп отырса дұрыс болар еді. Мен осы мақала барысында қажетті деген әлеуметтік ас-ауқат түрлерінің тізімін жасап алдым. Оларды атап өтсем, ұн, нан (тандыр, бөлше, қара нан), құмшекер, қант, сүт, айран, шай, пісте май, картоп, сәбіз, пияз, тұз, жұмыртқа. Кезінде ауданның әкімі болған Қуаныш Айтаханов апта сайын орталық базарға шығып, дүкен сөрелерін аралап, тіпті, үйіндегі қаз, үйректеріне өзі жүгері, бидай, майда жем алып, сатушымен кәдімгідей саудаласып тұратын. Қанша теңгеден әкелдің? Үстіне қанша қосасың? -деген сауалдар арқылы орталық базарда бәсекелестік болуы үшін, бағаны шарықтатпай ұстап тұру үшін бюджеттен қаржы бөліп, тиісті бөлімдер арқылы арнайы кәсіпкерлерді төменгі бағада ұстауын ұйымдастырғанын білетінбіз. Бұл да болса, саудагерлердің, дүкен иелерінің қоғам алдындағы жауапкершілігін сездіретін тәсіл болатын. Ал енді жоғары билікке қарап қол қусырып қарап отыра беру әркімнің де қолынан келеді. Десе де өткен жолғы Үкімет отырысында жаңа Премьер Министр Әлихан Смайыловтың «Біз үшін ең басты мақсат – халықтың табысын арттыру. Кез келген жоспар, кез келген бағдарлама бірінші кезекте халықтың табысын арттыруға бағытталуы тиіс»,-деген сөзі айлық көтеріледі, бағаны да көтеруге дайындалыңдар деген сөз емес. Осы жерде Үкімет тарапынан бағаны тізгіндеп тұру үшін құқықтық механизм керек сияқты..

Бағаның тұрақсыздығына көзіміз бен құлағымыз әбден үйреніп кеткен сияқты. Айлықтың немесе жалақыға болмашы пайыздың үстеме қосылады деген ақпарат құлаққа тиер тиестен алдымен дүкен иелері бірінші естиді. Шымкенттен, не басқа да қалалардан түнде ғана әкелген азық-түліктері сөреге шыға салысымен шарықтап тұрады. Айналайын бұл азық-түліктерді әлі пенсия мен айлыққа үстеме қосылмай тұрып, баға көтерілмей тұрып әкелінген өнімдер ғой. Неге қымбаттатып жатырсың?- дейтін болсаң, олар: Сотқадан есіттік азық-түлік бағасы қымбаттайды екен?-деп қарап тұрады.

Шолаққорған ауылындағы базар бағасы:

№	Азық түлік түрлері (кг, дана, литр)	Бағасы
1	Тандыр нан	110
2	Қара нан	220
3	Бөлше нан	110
4	Құмшекер	350
5	Қант	450
6	Күріш	350
7	Шай арзаны (100 гр)	350
8	Сүт	300
9	Айран	300
10	Макарон	300
11	Картоп	200
12	Сәбіз	200
13	Пияз	100
14	Жұмыртқа	38 (1150 т)
15	Жылқы еті	2500
16	Қой еті	2200
17	Сиыр еті	2000
18	Түйе еті	1700

жоқ. Көп жағдайда «үйдің жанындағы дүкендер» бағаны негізсіз көтереді дейді тұрғындар. Бұл жердегі үй маңындағы дүкендер күндерін көру үшін орталықтағы ірі сауда орындарынан реализацияға тауар өнімдерін әкеліп сатады. Орталыққа баруға ерінген, немесе үйдегі бала-шағаларынан шыға алмағандар амалсыз үй маңындағы дүкендерден алуға мәжбүр. Сондай-ақ үйіне жақын, көз таныс болған соң қарызға да алуы мүмкін. Қарыз болған соң несиеге алғаны сияқты әрине сатушы ұсынған өніміне үстеме баға қоятыны анық. Бұл жерде кімді кінәлайсың? Премьер-Министр өндіріс көлемі 100 пайызға жеткізілетін азық-түлік түрлерін атай отырып, тамақ өнеркәсібі кәсіпорындарына мониторинг жүргізуді тапсырды. Бүгінде Шымкент қаласының аумағында 30 мың тоннаға жуық әлеуметтік азық-түлік тауарлардың қоры бар. Оның ішінде 5 айға жететін бірінші сұрыпты ұн қоры жасақталған. Мегаполисте астықты қайта өңдейтін 10 ұн өндіретін кәсіпорын жұмыс істейді. Олармен жылына 200 мың тонна ұн өндіріледі. Аталған

тұрақтандыру шаралары жүзеге асырылуда. Бұл өнімдерді «Грамад» және «Магнум» ірі сауда желілерінен белгіленген бағада сатып алу мүмкіндігі қарастырылған. Әлеуметтік азық-түлік бағасының тұрақтылығын қамтамасыз ету үшін тұрақтандыру қорына жергілікті бюджеттен қомақты қырауар қаржы бөлінгенін айтқан шаһар басшысы қалада азық-түлік бағасына бақылау күшейтілгенін және бағаны шекті мөлшерден асырған кәсіпкерге әкімшілік жаза қолданылатынын ескертті. Азық-түлік бағасы шекті мөлшерден асырылған жағдайда тұрғындар арнайы телефон нөміріне хабарласып, шағым қалдыра алады екен. Сондай-ақ, Шымкентте баға тұрақтылығын сақтау үшін әлеуметтік дүкендер саны артуда. Ал, әр аптаның сәрсенбі, сенбі және жексенбі күндері қаланың 4 жерінде жергілікті тауар өндірушілері мен шаруа қожалықтарының қатысуымен базар нарқынан 10-15%-ға төмен бағада азық-түлік жәрмеңкелері ұйымдастырылуда. Ал ауылдағы баға тұрақтылығы қандай? Біз неге қаланы айтып отырмыз? Себебі

Президент үндеуі

Тұрақтылық пен
тәуелсіздігіміздің кепілі

Қазақстан халқы дәл осы 11 қаңтардағы Президентіміз Қасым-Жомарт Тоқаевтың Парламенттегі баяндамасын ерекше күтті. Соңғы орын алған оқиғалар тек еліміз ғана емес, бүкіл әлемдік ақпарат құралдарының назарында болды. Мемлекет басшысының бұл күндері шешімдерді уақтылы қабылдап қоймай, сонымен бірге болашақта жүзеге асырылуы тиіс шараларды да жіті ойластырғаны аңғарылады. Қаңтар айының басында Қазақстан тап болған оқиғалар еліміздің тұтастығы мен тәуелсіздігіне қауіп төндірген күрделі кезең болды. Осы кезеңде Президенттің тиімді шешімдер қабылдап, жағдайды тұрақтандыра алғанының куәсі болдық. Мемлекет Басшысы өз мәлімдемесінде болған оқиғаларды саралап, бұл дағдарыстан Қазақстанның қуатты әрі күшті мемлекет болып шығатындығына нық сенім білдірді. Мемлекеттік қауіпсіздік мәселесінен бастап, әлеуметтік-экономикалық даму, саяси реформалар кешенін жүзеге асыру бастамасы көтерілді. Елдің күрделі кезеңге аяқ басқанын ескерсек, үндеуде айтылған тапсырмаларды жауапкершілікпен жүзеге асыру аса маңызды. Президент өз сөзінде «Сапалы білімге қолжетімділікті арттыру сөзсіз басым бағыт. Бұл – бүкіл қоғам дамуының аса маңызды факторы. Біз мектептерді қалай материалдық жағынан қамтамасыз етсек те, білім сапасын жақсы мұғалімдерсіз көтеру мүмкін емес. Ұлы Ахмет Байтұрсын-ұлы айтқандай, «Мұғалім – мектептің жүрегі». Сондықтан мен мұғалімдер тапшылығы бар өңірлерге үздік педагогтерді тартудың арнайы қолдау пакеттері бар арнайы бағдарламасын әзірлеуді тапсырамын. Жоғары білімнің қолжетімділігі де – көкейкесті мәселе. Елдің халық тығыз қоныстанған өңірлеріндегі жастарға арналған мақсатты гранттар бөлуге айрықша назар аудару қажет. Жаңа экономика құру үшін ЖОО-ның бәсекеге қабілетін арттыру маңызды. Таяуда Қазақстанда жетекші шетелдік жоғары оқу орындарының филиалдарын ашу басталды. Жақын арада Ресейдің үздік техникалық жоғары оқу орындарының филиалдарын ашу жоспарланып отыр. 2025 жылға қарай елімізде беделді шетелдік жоғары оқу орындарының кем дегенде 5 филиалын ашу қажет деп есептеймін. Осы орайда, екі техникалық бағдарланған филиал еліміздің батысында болғаны жөн. Жалпы, бәрімізге білім туралы көзқарасымызды өзгерту қажет. Гуманитарлық мамандықтармен әуестену кезеңі келмесе кетті. Басымдықты техникалық мамандықтарға беру керек. Инженерлер мен өнеркәсіпшілердің жаңа буынын өсіріп шығару қажет» деп басты бағыт берді. Парламент мәжілісінің отырысында сөйлеген сөзінде Мемлекет басшысы 2025 жылға қарай ел аумағында танымал жоғары оқу орындарының кемінде бес филиалын ашу қажеттігін атап өтті. Оның ішінде кемінде екі ЖОО еліміздің батыс өңірінде орналасуы және техникалық бейіні болуы тиіс. Айта кету керек, бұған дейін Президент Қасым-Жомарт Тоқаев Ресей президенті Владимир Путинмен кездесу барысында МФТИ және Бауман атындағы ММТУ сияқты ресейлік жоғары оқу орындарының Қазақстанда филиалын құрудың маңыздылығы туралы айтқан болатын. Қазақстандағы демократиялық реформалар мен қоғамдық келісім тұжырымдамасы диалогсыз орын алмайтыны белгілі. Мемлекет басшысы Қасым-Жомарт Тоқаев бұл бағытта осы уақытқа дейін жүзеге асырылып келе жатқан шараларға тоқталып, саяси реформаларды жалғастыруды өзінің «принциптік позициясы» екенін жеткізді. Еліміздегі саяси мәдениетті қалыптастыратын диалог алаңдарын одан әрі нығайту Қоғамдық сенім кеңесі секілді органдар жүйесі арқылы жалғасын табатынына сенім білдірді. Ел алдында тұрған үлкен міндеттерді айқындаған бұл үндеу – жаңа дәуірдегі мемлекет тұрақтылығы мен тәуелсіздігінің кепілі. Саяси сандарлы диалог пен экономикалық маңызды реформалар қоғамдық гүлдену мен мемлекеттің ертеңіне үлкен үміт ұялатады.

Сәуле ЖАҚСЫБЕРГЕНОВА,
Ы.Алтынсарин атындағы жалпы орта мектебінің мұғалімі.

“Nur Otan” партиясы “Халыққа көмек” партиялық жобасы аясында осы жылдың 13 қаңтары күні Жыныс ата мекенінің тұрғыны, жұмыссыз, көпбалалы ана Бижанова Мейрамкүл қоғамдық қабылдауға келді. Мейрамкүлмен әңгіме барысында балалары мектеп жасында және осы уақытқа дейін бірде бір мекемеде жұмыс істемегені белгілі болды. Отбасындағы тұр-



балаларым, отбасым аман болсын деп отыр. Қашанда біздің аналарымыз ел тыныштығының қадірін білген. Міне, осындай аналарымыз бүгінгі күні үлгі боларлық іс-әрекеті жастардың бойында қайырымдылық сезімін ұялатып, имандылыққа, төзімділікке тәрбиелейді. Қазіргі таңда Мейрамкүлді «Таукент гүлдері» балабақшасына жұмысқа орналастырдым.

Қолдан келсе-жақсылық жаса

ақтылықты сақтау, ауызбіршілік, ынтымақтастық, ұлттық тәрбие туралы ой бөлісіп, көп балалы анамен пікір

алмастым. Сонымен қатар, бұл кісінің дархан мінезіне риза болдым. Ардақты ана өз отбасында балаларының тілеуін тілеп, еліміз тыныш,

Қарлығаш ЖАМИЕВА,
Таукент кенті.

Әскери борыш-азаматқа міндет

Ағымдағы жылдың 18 қаңтар күні Сызған ауылдық округі әкімі аппаратының кеңесші, іс-басқарушысы Е.Махмутұлы және әскери есеп жөніндегі бас маман С.Берікқараевтар

“Жаңа қазақстандық патриотизм” идеяларын насихаттау мақсатында А.С.Макаренко атындағы жалпы орта мектебінің бітіруші түлектерімен кездесу өткізді.

Іс-шара барысында жастарға ұлтжанды ұрпақ болуды, еліміздің әрбір жас азаматтарымыз отан алдындағы әскери борышын өтеу міндет екені, баса айтылды.

Базар РАХМАНБЕРДІ,
Сызған ауылы.

Жаппай декларациялау 2022 жылы мемлекеттік қызметшілер мен оларға теңестірілген жеке тұлғалар қандай декларацияны тапсырады?

2022 жылдан бастап қазақстандық мемлекеттік қызметшілер, оларға теңестірілгендер мен олардың жұбайлары (зайыбы) кірістері мен мүлкі туралы 270.00 нысанды декларацияны ұсынады. Осыған дейін, жалпыға бірдей декларациялаудың бірінші кезеңі аясында аталған тұлғалар активтері мен міндеттемелері туралы декларацияны тапсырған болатын. Жеке тұлғаның кірістері мен мүлкі туралы декларацияның нысаны мен оны толтыру қағидалары Қазақстан Республикасы Қаржы министрінің 2021 жылдың 13 қыркүйегіндегі №927 бұйрығымен бекітілді. Кірістері мен мүлкі туралы декларацияда жеке тұлғалар күнтізбелік жыл ішінде алынған кірістері туралы (оның ішінде елімізден тыс жерлерде алған кірістері де бар), сондай-ақ мемлекеттік неме-

се өзге тіркеуге жататын мүлкі сатып алғаны немесе иеліктен шығарғаны туралы (оның ішінде елімізден тыс жерлердегі мүлік те бар) ақпаратты көрсетуі тиіс.

Бұдан басқа, декларацияда жеке тұлғалар есепті салық кезеңі ішінде:

- жылжымайтын мүлкі (пәтер, үй, жер учаскесі және т.б.);

- механикалық көлік құралдарын және олардың тіркемелерін (автокөлік, тіркеме және т.б.);

- заңды тұлғаның жарғылық капиталына қатысу үлесін; - бағалы қағаздарды (акциялар, облигациялар, вексельдер және т.б.);

- инвестициялық алтынды; - туынды қаржы құралдарын;

- тұрғын үй құрылысына қатысу үлесін сатып алуға жұмсаған шығындарын рас-

тап, мәліметтерді көрсетуі қажет.

Декларация жеке тұлғаның тұрғылықты (тұратын) жері бойынша ұсынылады.

Жалпыға бірдей декларациялаудың бірінші кезеңінің активтер мен міндеттемелер туралы декларациясын (250.00-нысаны) табыс еткен азаматтар үшін кірістері мен мүлкі туралы декларацияны табыс ету мерзімі:

- қағаз түрінде 2022 жылдың 15 шілдесінен кешіктірмей; - электронды түрде 2022 жылдың 15 қыркүйегінен кешіктірмей.

Р.БАЙМАҚАШЕВА,
Созақ ауданы бойынша Мемлекеттік кірістер басқармасының Салық төлеушілермен жұмыс бөлімінің бас маманы.

Созақ аудандық мәслихат депутаттарының 2022 жылға тұрғындарды қабылдау КЕСТЕСІ

р/н	Аудандық мәслихатдепутатының аты-жөні	Қабылдау күні	Қабылдау уақыты	Қабылдау орны	Байланыс нөмірі
1	Байғараев Бегімбет Биімбетұлы Ермаханов Мейрамбек Нысанбекұлы Сүгірбаев Бағлан Қанжарбекұлы	Әр айдың бірінші аптасының сәрсенбі күндері	сағат 11:00-13:00, 15:00-17:00 аралығы	Созақ ауданы әкімдігінің ғимараты, 4-ші қабат, аудандық мәслихат аппаратының мәжіліс залы	8(72546)420-26
2	Тұрғанбаев Берік Мыңжанұлы Жүсіп Ғабит Елбергенұлы, Есмұратова Гүлшат Есбергенқызы	Әр айдың бірінші аптасының бейсенбі күндері			
3	Майусова Нұржамал Әбілжанқызы Қабылбеков Елдос Қабылбекұлы Төлепбергенұлы Олжас	Әр айдың екінші аптасының сейсенбі күндері			
4	Әлжанов Ролан Ізбасарұлы Нұрланов Базарбай Нұрланұлы	Әр айдың екінші аптасының сәрсенбі күндері			
5	Бекішов Құрманғали Әбиұлы Жамиева Қарлығаш Нышанбайқызы Бейсен Іңкәр Әлібекқызы	Әр айдың екінші аптасының бейсенбі күндері			

